



Messadi per la radunanza communal digls 18 mars 2016

Stimadas votantas e stimos votants

Suandontamaintg az infurmainsa dallas tractandas, tgi vignan discussiunadas e deliberadas a caschung dalla radunanza communal digls 18 da mars 2016.

Protocol dalla radunanza communal digls 16 da december 2015

Digl protocol ògl savia neir piglia invista u tg'el ò savia neir retratg an canzleia digls 31 da december 2015 anfignen igls 29 da schaner 2016. Durant la publicaziun èn neidas inoltradas nignas protestas. Igl protocol vign perchegl declaro per approvo e vign sottascretg digl mas-tral e digl scrivant.

Lescha per la gestiun digl rusment (lescha da rusment)

Chella lescha regla la disposiziun, igl adiever, igl mantignamaint, la renovaziun e la finan-zaziun digls posts da rimnada digl rusment ed digls stabilimaints per dismetter igl rusment sen territori digl cumeegn Albula/Alvra, schinavant scu tgi igl cumeegn è responsabel per chegl. El regla la gestiun da rusment d'abitadis, rusment spezial ed oter rusment tgi è sotta-mess agl obligatori da controlla. Igl cumeegn corva las sias expensas per la dismessa digl rusment cun taxas tgi corvan igls costs e tenor caschunader. Chellas consistan da taxas da basa e da taxas da quantum. La taxa da basa annuala è da contribueir per tottas construcziuns e tots stabilimaints, tgi cuntignan lis d'abitar e luvratoris u tals, noua tgi sa resulta rusment. Per rusment inflammabel e per rusment spezial inflammabel vignan incassadas taxas da quantum. L'otezza dallas taxas da basa e da quantum vignan fixadas dalla suprastanza communal ainten en reglamaint da taxas, tgi vign examinò periodicamaintg. Chella lescha sottastat agl referendum facultativ. La suprastanza communal fixescha la data per l'antrada an vigour da chella lescha.

Brienz/Brinzauls: sanaziun dalla veia communal Piazza da vischnanca - Tgaplotta - credit supplementar

La sanaziun dalla veia e dallas lengias d'ovras Piazza da vischnanca – Tgaplotta e Voia sot Baselgia è terminada anfignen tar la sanaziun dalla Voia Pintga. La sanaziun dalla Voia Pintga è preveisa ainten ena sagonda etappa. Avant la realisaziun dalla Voia Pintga, vign la suprastanza communal a piglier igl conclus d'introducziun e publitzierchel. Tot las lavours vignan exequeidas tenor project da construcziun (exposiziun publica digl project da construcziun an canzleia communal da Brienz/Brinzauls digls 17-04-2014 – 16-05-2014). Per las lavours è neida deliberada la somma totala dad 1'976'000.00 fr. a caschung dallas radunanzas communalas digls 07-02-2014 e 11-07-2014. Tot las lavours creditadas ainten chel rom da costs on savia neir exequeidas.

An connex cun la sanaziun da veias ed ovras Piazza da vischnanca – Tgaplotta e Voia sot Baselgia, vignan exequeidas lavours betg cumpigleidas aint igl credit total an somma totala da 180'000.00 fr. Chellas lavours supplementaras cumpeglian la reparatura dalla veia da sviamaint Tgaplotta e Cresta, la construcziun nova dalla stresa da basa e la stresa da cuvreida dalla Voia sot Baselgia, en concept da drenascha per la vischnanca Brienz/Brinzauls, scu er registraziuns da televisiun digls canals da lengias da dismessa. Per lavours tgi èn betg cumpigleidas aint igl credit total, è da deliberar en credit supplementar da 180'000.00 fr.

Associazion da scopo ARA Casti - contract

Perveia dalla fusiun digl cumegn Albula/Alvra, ègl necessari da far en nov contract tranter igls cumengs politics Albula/Alvra e Lantsch/Lenz concernent la fundaziun d'ena corporaziun da vischnancas digl dretg public sainza personalitad giuridica an senn d'art. 51 e 52 dalla lescha communal. L'associazion da scopo intenziunescha igl travagl ed igl mantignamaint dall'ARA a Casti. L'associazion da scopo agescha antras la sia cumischung da menaschi, tgi sa cumpona da tschintg commembers. Igls costs da menaschi, igls costs da mantignamaint e da renovaziun, scu er igls costs d'amplificaziun vignan repartias tranter igls cumengs tenor proporziun digl quantum d'ava persa furneida. Igl contract so neir retratg an canzleia communal u da chel so neir piglia invista sen la homepage www.albula-alvra.ch.

Associazion integraziun Alvra / VIA – schliaziun associazion VIA

Siva da 20 onns labour dall'associazion KSVA e VIA ègl nia concludia a caschung dalla radunanza da delegos extraordinaria digls 17 da december 2015, da schliier se l'Associazion Integraziun Alvra / VIA mutivond la pussebladad da neir tar structuradas pi schlanças antras la fusiun digls cumengs. A madem taimp è nia fixo unanim, da mantigneir structuradas comprovadas an senn digl «Spirit VIA» e da tractar tuttegna ainten l'antiera regiun las cundiziuns da pladimaint digl persunal spezialiso da pedagogia curativa, incl. logopedia. La radunanza da delegos propona da schliier se l'associazion VIA per igls 31 da fanadour 2016.

Casti, igls 22 da favrer 2016

La suprastanza digl cumegn
Albula/Alvra